

MARTYROLOGIVM
ROMANVM.

AD NOVAM KALENDARIJ RATIONEM,
& Ecclesiasticæ Historiæ veritatem restitutum.

GREGORII XIII. PONT. MAX.
IVSSV EDITVM.

ACCESSERVNT NOTATIONES
atque Tractatio de Martyrologio Romano.

Auctore

CAESARE BARONIO SORANO
CONGREGATIONIS ORATORII PRESBYTERO.

*Duplici Indice, altero Sanctorum nomina, altero res Notationum memoratu dignas complectente
ad Lectoris commodum exornatum.*



VENETIIS, M D X C I I I.

Apud Minimam Societatem. *Duplicado*

Es del Coll^o de la Comp^a de S^{ta}s de Salamanca. y de la libreria

SANCTISSIMO
ET BEATISS. PATRI
ET D. N. SIXTO V.
PONT. MAX.

CAESAR BARONIVS
Congregationis Oratorij Presbyter S.



CONFECI, Pater Beatissime, non mediocri
sanè labore ac diligentia, in Martyrologium
Rom. annis proximis restitutum, Notationes
ad omnem Ecclesiasticæ antiquitatis histo-
riam illustrandam accommodatas; quibus
multiplices difficultates, multisq; interdum
obscuritatibus inuolutas, explicare, pro mea ingenij medio-
critate sum conatus. Id mihi, ut facerem, mandauerat uir sin-
gulari pietate, summâ eruditione, piæ recordationis Guliel-
mus Sirletus Cardinalis & Bibliothecarius Apostolicus, qui
Martyrologio iam Romæ edito, cum à plerisque uiris bonis
& studiosis, multarum quæstionum, ut fit explicationem re-
quin uberioremque rerum notitiam desiderari animaduerte-
ret; eorum siue dubitationibus, siue desiderio satisfieri, siue
commodo atque utilitati consuli, hac potissimum ratione
cupiebat. Illius ergo amplissimi Card. auctoritate permotus,
plus fortasse oneris suscepi, quam ferre possem; suscepi tamē,
diuinæ gratiæ præsidio fretus. Tametsi ad hanc scriptionem
non omnino imparatus accesserim; qui multos iam annos in
tota Ecclesiastica historia tractâda, & accurata in primis tem-

DE MARTYROLOGIO ROMANO,

Præcapitulatio dicendorum.

D E exacta diligentia adhibita à S. Romana Ecclesia in conscribendis rebus gestis sanctorum Martyrum.	cap. 1.
Quæ de sanctorum historijs ab hæreticis, uel alijs falsa scripta sunt.	cap. 2.
De immensa iactura, quam passa sunt acta sanctorum Martyrum.	cap. 3.
De antiquo cultu sanctorum Martyrum, unde Martyrologium scribendi occasio manauit.	cap. 4.
A quibus primum scripta sunt Martyrologia.	cap. 5.
De Eusebij libro de Martyribus & versione Hieronymi.	cap. 6.
De fide epistolarum; quæ Chromatij, Heliodori, & Hieronymi nomine inscripta sunt.	cap. 7.
De antiquo Martyrologio Romano sepius aucto.	cap. 8.
De cæteris antiquis Martyrologijs.	cap. 9.
De falsis Martyribus & pseudo Martyrologijs hæreticorum.	cap. 10.
De immensa Martyrum multitudine elogium Cypriani lib. de exhort. ad Martyriam.	cap. 11.

DE EXACTA DILIGENTIA ADHIBITA A S. R. ECCLESIA in conscribendis rebus gestis sanctorum Martyrum. Cap. I.

Nihil antiquius apud S. R. Eccl. Præsules fuisse videtur, quam ut Christianorum acta sortita, ipsæ sanctorum Martyrum res præclarissime gestæ, perpetuæ memoriæ monumentis consignarentur. Cui rei egregiam nauatam operam primum fuisse à S. Clemente Romano Pontifice, testatum habetur in libro de Rom. Pontific. qui à quibusdam recentioribus citari cõsuevit nomine Damasi, ubi hæc in Clemente leguntur: Hic fecit septem regiones diuidi notarijs fidelibus ecclesiæ, qui gesta Martyrum sollicitè & curiosè, unusquisque per regionem suam perquirerent hæc ibi. Licet uerò testimonio antiquorum scriptorum Taciti, Plinij, Sex. Rufi, Publij Victoris, & aliorum exploratissimum sit, Romanam Urbem, illis temporibus in regiones quatuordecim fuisse diuisam: tamen olim à Romanis Pontificibus in septem tantum regiones fuisse partitam, secundum numerum septem diaconorum, qui Regionarij dicebantur, docent uetera Romanæ Ecclesiæ monumenta. perseuerasse diutius, ut in Romana Ecclesia non nisi septem diaconi ordinarentur, auctor est Sozo. hist. lib. 7. c. 19. His ergo septem cum diuisæ dicantur à Fabiano Papa regiones Urbis; quatuordecim illas in septem fuisse constatas, fatendum necessario uidetur. Poterit sicut septem erant diaconi, sic & totidem subdiaconi, & his par numerus notariorum, qui ipsi subdiaconis & diaconis subiecti erant.

unde in cod. li. de Rom. Pont. hæc leguntur in Fabiano. Hic regiones diuisit diaconibus & fecit septem subdiacones, qui septem notarijs imminerent, qui gesta Martyrum in integrum colligerent. habetur de his recentius exemplum ex Paulino S. Ambrosij notario, qui & uitam eius cõscripsit, in qua ait, se fuisse sub cura Casti diaconi, ad quem cõcta referret. Ex his perpende, quam diligens studium olim adhibitum fuerit, ut acta sanctorum Martyrum purè ac sincère conscriberentur, cum non modò notarij in id opus grauius incuberet, sed & qui præterant notarijs subdiaconi, ac diaconi, ijdeq; iure dicti, oculi episcopi, quorum esset munus cuncta exactè peruestigare, ac Pontifici nota facere; qui à notarijs scripta qualia ea demum essent, probaret, atque inter Ecclesiastica monumenta recondideret. id est. n. quod de Antero Papa scriptum habes in hunc modum: Hic gesta Martyrum diligenter à notarijs exquisiuit, & in Ecclesia recondidit. hæc ille. Ad hæc, non tantum acta Martyrum scribere, sed & cætera quæ ad Ecclesiã pertinerent, eorum munus fuisse, expressum est in eodem libr. de Rom. Pont. in Iulio. Atqui non solum Romana Ecclesia in perquirendis atque scribendis sanctorum Martyrum actis sedulã curam impendit: sed & alix nobiles ecclesiæ in ipsidem haud segniter laborasse, noscuntur. extat de his clarissima antiquitatis monumenta, ut Smirnenis ecclesiæ epistola de Martyrib. illic passis sub Marco

MARTYROLOGIUM ROMANVM

*Singulis anni diebus iuxta nouam Kalendarij rationem
accommodatum.*

I A N V A R I V S.

I Kalendis^a Ianuarij. Luna.^b A*

a	b	c	d	e	f	g	h	i	k	l	m	n	p	q	r	f
2	3	4	5	6	7	8	9	10	11	12	13	14	15	16	17	18
t	u	A	B	C	D	E	f	F	G	H	M	N	P			
19	20	21	22	23	24	25	26	26	27	28	29	30	x			



IREVMCISIO^c Domini nostri IESV Christi, & Octaua Na-
tiuitatis eiusdem. Romæ sancti Almachij^d martyris, qui iu-
bente Alipio Urbis præfecto, cum diceret: Hodie Octauæ
Dominici diei sunt, cessate à superstitionibus idolorum, & à
sacrificijs pollutis; à gladiatoribus occisus est. Ibidem uia Ap-
pia coronæ^e sanctorum Militum triginta martyrum sub Dio-
cletiano Imperatore. Itē Romæ sanctæ Martinæ^f uirginis, quæ sub Alexandro^g
Imperatore diuersis tormentorum generibus cruciata, tandem gladio marty-
rij palmam^h adeptæ est. Apud Spoletum sancti Concordij presbyteriⁱ & marty-
ris, temporibus Antonini^k Imperatoris: qui primo fustibus cæsus, dehinc equi-
leo suspensus, ac postea in carcere maceratus, ibique angelica uisitatione con-
solatus, demum gladio uitam finiuit. Eodem die sancti Magni^l martyris. Cæsa-
reæ in Cappadocia depositio sancti Basilij^m episcopi, cuius celebritas decimo-
octauo Kalendas Iulij, qua die ordinatus fuit episcopus, potissimum recolitur.
In Africa beati Fulgentijⁿ ecclesiæ Ruspensis episcopi, qui tempore Vuandali-
cæ persecutionis, ob catholicam fidem, eximiamq; doctrinam ab Arrianis mul-
ta perpeßus, & in Sardiniam relegatus; tandem ad propriam ecclesiam redire
permisus, uita & uerbo clarus, sancto sine quieuit. In territorio Lugdunensi,
monasterio Iurensum, sancti Eugendi^o abbatis, cuius uita uirtutibus & mira-
culis plena refulsit. Apud Siluinia cum sancti Odilonis^p abbatis Cluniacensis,
qui primus commemorationem omnium fidelium defunctorū prima die post
festum omnium Sanctorum in suis monasterijs fieri præcepit: quem ritum po-
stea uniuersalis Ecclesia recipiens comprobauit. Alexandria depositio sanctæ

A Euphro-

M V A D O L E C T O R E M . I N

Pateternū s̄ara, quae fuerant in Romano codice, suis locis fideliter reposuimus, tantum hoc unum nos haud quidem incuria nostra, qui etiam errata, quae fuerat in eo, correctione sustulimus, sed quod numeri paginarum, in quibus illud apparet, in eo codice, ut alia multa fuerunt falsi. Hoc igitur quod iam impresso folio succurrit, suo erit loco substituendum, scilicet,

pag. 175. lin. 1. col. 2. nonagesimo octavo. Honorius Papa tertius, cum de eius vita mandasset diligenter inquiri: certior redditus a Gregorio Romi. ciue nobilis familiae Crescenciae (tunc S. Theodori diacono Cardinale legatum a laetere agente in Dania, Suetia atque Boemia, retulit inter sanctos. Extant in ipsius registro de eiusdem sancti canonizatione litterae Apostolicæ datæ XII. Kal. Feb. anno octavo sui Pontificatus, Domini vero 1224.

Registrum.

a b A B C D E F G H I K L M N O P Q R S T V X Y Z
AA BB CC DD EE FF GG HH II KK LL MM NN OO PP QQ

V E N E T I I S,

Ex Typographia Petri Dufinelli, M D X C I I I.

